





re, ut docent Domin. cap. fin. num. 9. de elec. in 6. Felix. cap. fin. num. 14. de consir. Nec obstant in contrarium adducta...

DE IMPEDIMENTO cognationis carnalis.

DISPUTATIO L

Quid sint consanguinitatis linea, & gradus, & stipes: & qualiter consanguinitatis gradus computentur?

SUMMARIUM

- Impediret consanguinitatis definitio, num. 1. Quid sint gradus, linea, & complexus hec sit, 2. Quid sit stipes, 3. Triplex regula computandi gradus consanguinitatis, attentio iure can. num. 4. 5. 6. Proposita regula computandi attentio iure civili, 7. Quibus in rebz diversis he computations servanda sint, 8.

Accurrit de consanguinitatis impedimento, prius in presenti disp. dicitur eius definitio, ac gradum computationem. Deinde in sequentibus agemus de consanguinitatis gradibus, qui iure naturali matrimonium dirimunt. Denique de illis, qui iure Ecclesiastico. De dispensatione autem in illis est late habendus sermo in toto lib. seq. Et incipiendo ab ipsa nomenclatura: consanguinitas dicitur quasi sanguinis unitas: consanguineus enim ab eodem sanguine originem trahunt: & mensuram materis, ex quo generatio fit, immediate ex sanguine afficitur. Eil autem consanguinitas vinculum personarum ab eodem stipe descendenti, carnali propagatione contractum. Ita denatur a D. Thom. 4. d. 40. q. 1. & communiter a Theologis, & Jurisperitis: quamvis a nonnullis impugnetur. At eorum impugnationibus satisfies: et eius definitio declaratur. Dicitur ergo vinculum, quod consanguinei majori affectu, & necessitudine inter se coniunguntur etc sic consanguinitas est formaliter ipsa coniunctio in communicatione eiusdem sanguinis fundata. Neminem enim latet specialitatem quodam vinculo colligi sanguine coniunctos. Quod non obicere significavit Cicil. 1. de Officiis, dicens sanguinis coniunctio, & benevolentia devincunt claritate homines. At omne vinculum inter homines est vinculum amicitie fundatum in aliqua communicatione: ex Arist. Ethic. 8. 12. Quare cum vinculum consanguinitatis fundetur in naturali eiusdem sanguinis communicatione, qui eo inter se connectuntur, dicuntur consanguinei. Traditur autem hanc definitio per vinculum, non quod sit formaliter vinculum: sed vinculum secundum diversas accptiones, aut esse causa, aut effectus consanguinitatis. Si enim ulterius vinculum pro iure ipsa amicitie, tunc consanguinitas est causa vinculi: si vero pro sanguine ipso, tunc vinculum est causa consanguinitatis. Et ita correlatiur Ricard. 4. d. 40. q. 1. q. 1. & Sotus ibid. 1. a. 1. Hic enim existimat consanguinitatem esse vinculi causam: hic autem e contra, esse illius effectum. Dicitur autem vinculum personarum. Quia bruta ab eodem stipe procedentia non dicuntur consanguinitate coniuncta, (ut bene docet D. Thom. 4. d. 40. q. 1. art. 5.) eo quod non coniunguntur ad amicitiam unitatem propter propagationem multorum ex uno parente proximo. Dicitur ab eodem stipe, nec additur est proximo. Quare adversus eam definitionem insurgunt Palud. 4. d. 40. q. 1. a. 1. & Covar. ad decret. 2. p. c. 6. q. 6. n. 1. & 3. eam redarguentes, quod diminuta sit ea particula non expressa. Ex ea enim universos homines consanguineos esse colligitur, ut pote qui ab eodem Adamo descendunt. Sed bene D. Thom. 4. d. 40. q. 1. ad 1. rem hanc explicat: nec fuit opus eam particulam explicare. Quia eo ipso, quod mentio sit in definitione de stipe, intelligitur de ita propinquo, ut virtutes in descendentiis perleveret. Quamvis enim virtus primi parentis Adami perleveret in omnibus descendentiis secundum similitudinem specificam: at non perleverat secundum similitudinem individuam, iuxta quam avus, & parentes affinisque sibi prolem, quae coram imagine, complexioneque, ac morum effigiem, refert. Nam virtus paterna non secundum totam suam perfectionem descendit in filium, sed imperfectius, & eo debilius, ac imperfectior est, quo in plures generationes derivatur, ac tandem in tot proximi potest, ut omnino debilitetur: & sic consanguinitatis ratio deficit. Ut auctor est D. Hieron. l. 11. Etymolog. cap. 6. & refertur cap. Consanguinitatis 35. quest. 4. Redarguit similiter eandem definitionem Covar. eodem num. 1. & 3. quia debet, ut quosdam unus ab alio descendit: quia parte non addita sequeretur, Adamum, & Cain eius filium, non esse consanguineos: quod a nullo communi stipe originem trahant. Ceterum quamvis ad rationem consanguinitatis satis sit, unum ab altero descendere, licet a nullo communi stipe

procreentur; ac ob eam rationem vera consanguinitas salvetur inter Adamum, & Cain: non fuit tamen opus eam partem in definitione addere: quod res illa singularis sit: in omnibus enim alii praece primi parentes, & eius filios, sepeiter eos a communi stipe procedere, ut pater, & filius procedunt ab avo, avus & nepos a proavo. Dicitur tandem in definitione, carnali propagatione contractum, ut sic inter Angelos excludatur consanguinitas: quamvis enim ab eodem Deo immediate processerint, at non per carnalem propagationem. Similiter etiam Eva minime fuit Adamo consanguinea, ex cuius osse formata est. Quia non fuit per carnalem propagationem. At vere, ac proprie est consanguinitas inter Christum Dominum, & Virgineum beatissimam eius matrem. Quia administravit conceptioni Christi totum illud materiz. Quae ratione docet D. Thom. 3. p. q. 33. art. 4. corp. generationem Christi ex parte materiae per matrem immixtata fuisse omnino naturalem.

Distinguitur autem consanguinitas per lineas, & gradus. Dicitur vero linea ordinata collectio personarum ab uno stipe descendenti: diversos continens gradus: seu potius ipsamet personae consanguineae collectivae sumptae, ut aeris lapidum dicitur ipsum lapides in unum coacti. Diciturque similitudo a linea Mathematica, in qua plura ordinata continentur puncta. Gradus est habitudo, seu mensura distantiarum personarum, quae cognoscitur quota consanguinitatis distantia aliqui consanguineis coniunguntur. Et sunt gradus ad similitudinem graduum scale per quos a proximo in proximum tendimus sursum ascenditur, aut deorsum descenditur, l. Jurisconsult. q. 1. Gradus, ff. de gradibus. Rursus, linea consanguinitatis est triplex, quodam ascendens, in qua continentur personae, a quibus ordo deducitur, ut pater, avus, proavus, atavus: alia descendens, quae claudit personarum originem ab eo stipe trahentes, ut filius, nepotes, pronepotes, trinepotes, & hae duplex linea est re ipsa eadem. Nam eodem gradu ascenditur, & descenditur in scala, distinguitur autem ratione. Quia quatenus per illam ascenditur ad stipes, dicitur ascendens: quatenus autem descenditur ad sobolem a stipe procedentem, dicitur descendens. Et haec appellatur linea recta, quod contineat directos gradus, per quos ad progenitores ascenditur, & ad progenitos descenditur: & ad neutrum latens deflectitur. Tandem est alia linea collateralis, seu transversa, in qua continetur personae, quae ex latere, & ex transverso iudicantur, a quibus nos non ducimus originem, nec ipse a nobis: & tamen ab eodem stipe, & sanguine descendunt, ut fratres, & eorum filii, patruus, amita. Haec autem transversa linea est duplex, quodam equalis, nimirum in qua continentur gradus consanguineorum, aeque a stipe distantium, ut fratres duo fratres, ut duorum fratrum filii: Alia vero inaequalis, nempe quando consanguineis transversis, seu collateralibus, distat inaequaliter a communi stipe, in quo uniuersis, ut contingit in patre, & amita respectu consobrinorum, dicitur enim consobrinus ab illis in secundo gradu distari, quod paterus, & amita distant a communi stipe, nempe ab avo consobrinus, in quo proxime uniuersis in solo primo gradu; ut pote qui eius filii sunt. At consobrinus distat ab avo in secundo gradu tanquam eius nepos. Tandem dividit solet linea in maternam, cuius scilicet est caput mater, & in paternam, cuius caput est pater. Sed distinctio haec minime adestur matrimonio.

Stipes est persona illa, a qua omnis persona, de quarum conjunctione tractatur, descendit, & originem ducunt. Quamvis enim iuxta D. Hieron. relation cap. serie, 35. quest. 5. truncus, seu stipes huius arboris consanguinitatis non sit primus parens a quo alii descendunt, sed prima eius generatio, nempe, filii ipsius: at iam dicitur Ecclesia recepit primam parentem, a quo procedunt omnes, de quorum consanguinitate tractatur, esse truncum, seu stipitem, ut constat ex cap. Ad idem, quod est Alexander. 11. & ex c. Parentele, quod est Zachariae Pontif. 35. q. 5.

Triplex autem solet assignari regula ad computandos consanguinitas gradus. Et traditur a D. Thom. 4. d. 40. quest. 1. art. 2. quem uniuersi Theologi sequuntur: & a gloss. tit. de consanguin. & affin. in fin. & 35. quest. 5. in exposit. arboris consanguinis. Quas glossas uniuersi filii utriusque interpretes recipiunt. Prima traditur pro linea recta, duae autem pro transversa. Prima regula est, quando persona, cuius gradus queritur, est in linea recta ascendenti, vel descendenti, cum alia; si inter ipsam, & alteram personam nulla persona mediet, sunt illae in primo consanguinitatis gradu lineae rectae, ut sunt parentes, & filii. Si vero inter ipsas aliqua persona, aut multiplex mediet, tunc numeratis omnibus personis, mediis, & extremis, dematur de numero illo una persona, & quod perone restant, tot sunt gradus. Verbi gratia, nepos distat ab avo in secundo gradu lineae rectae. Quia licet duae personae extremae, nimirum, nepos, & avus, & una media inter ipsas, nempe pater nepotis, & ita dempta una maneat dua, & sic duo gradus. Et proavus distat a pronepote, valgo, Bishuelo del bisuelo, in tertio gradu. Quia sunt duae personae extremae, nempe abavus, & pronepotes: & duae mediant, nimirum, pater, & avus pronepotes, sublata ergo una ex his quatuor, manent tres, & subinde distat in tribus gradibus.

dibus. Ratio autem huius regulae est, quia pater secundum se non constituit gradum, sed in ordine ad illum, qui ab ipso descendit: ergo pater cum filio ab ipso descendente constituit primum gradum, & praeterea ipse filius cum altero filio, qui ab ipso procedit, constituit alterum gradum. Jam igitur inter haec personas, videlicet avum, patrem, & nepotem, dantur duotantum gradus, Et consequenter tot sunt in hac linea computandi gradus, quot sunt personae inuicem procedentes, una dempta. Unde dum D. Hieron. relatus cap. 1. gradu 35. q. 5. ait in primo gradu superioris lineae contineri patrem, & matrem: & in primo inferioris filios, non sentit solos parentes constituit eorum gradum, & filios, alium, ac proinde distat inter se in secundo gradu, quod est contra priorem regulae traditae partem, & contra veritatem ipsam. Sed mens epus est, parentes constituit extremum superioris primi gradus, filios autem extremum inferioris ejusdem gradus. Hic enim ex duobus extremis constare debet. Et ita intelligit Sotus 4. d. 40. q. 1. art. 2. col. 2. vers. Gradus vero. Et satis probatur ex l. l. §. 1. ff. de gradibus, & 6. Primo gradu, Instituit. eodem tit.

Secunda regula fit pro linea transversa equali. Quando personae, quarum gradus queruntur, sunt in linea transversa equali, eodem gradu distant inter se, quod distat a communi utriusque stipe proximo. Ut duo fratres distant inter se in primo gradu, quia in eo distant a proximo stipe, in quo conjunguntur, qui est parens. Filii duorum fratrum sunt consanguinei in secundo gradu, quia in eodem conjunguntur in communi utriusque stipe proximo, qui est avus. Ratio autem est, quia cum tota, & adaequata conjunctionis horum ratio fit unico cum stipe, iure optimo computatur gradus penes distantiam ab illo: nec magis, aut minus possunt inter se distare, quam a stipe. Et ita regula haec traditur c. Ad idem, quod est Alexander. 11. & cap. Parentele, quod est Zachariae Pontif. 35. q. 5. quod si obijcias, filium conjunctionem esse parentibus, quam fratri. Ergo in eodem gradu computantur. Die conjunctionem esse parentibus intensiva perfectione propinquitatis; perfectior enim est propinquitas filii ad parentem, cum sit effectus ad causam, quam frater ad fratrem: cum sit propinquitas effectiva ab eadem causa promanantibus. Non autem est propinquior parentibus extensiva. Haec enim propinquitas extensiva solum attenditur penes distantiam ab eodem stipe: at non magis distant fratres inter se, quam a parentibus.

Tertia regula pro linea transversa inaequali est. Quoties persona in linea transversa consanguinea distat inaequaliter a communi stipe, eo gradu distat inter se, quo remotior distat a stipe. Ut patruus, & filius ex fratre distant inaequaliter ab avo, in quo uniuersis, ille enim distat in primo gradu, est enim eius filius: hic vero distat in secundo, & ut pote qui est eius nepos: distat igitur inter se in secundo consanguinitatis gradu. Haec traditur expressè cap. fin. de consangu. Et ratio est cur non attendatur gradus penes distantiam propinquois, sed remotioris stipe, quia cum adaequata ratio propinquitatis, aut distantiae collateralium inter se, sumatur per ordinem ad proximum stipitem, in quo uniuersis, implicat conjunctiones esse inter se, quam cum stipe. At si propinquois habenda esset ratio ad hanc consanguinitatis computationem, collateralis distans in 2. aut 3. gradu a stipe, esset conjunctus cum collateralis distante in primo gradu, quam cum ipso stipe. Cum illo enim esset in 1. gradu, cum hoc autem in 2. vel 3. Adde etiam, sic computatione facta penes distantiam propinquois, fore ut minime possent gradus commode distingui. Nam quando alter esset in 1. gradu cum stipe, alter vero in 4. essent conjuncti inter se in 1. gradu, atque ita aeque ac fratres. Quare graduum consilio non inmodica inde consurgeret.

Obseruandum tamen est in hac graduum computatione in linea recta concordare jus canonicum, cum civili: ac prouide 1. regulam juris utriusque computationi deservire: at dissidere in computatione graduum in linea transversa; jus enim canonicum eos computat modo tradito in duabus posterioribus regulis: at jus civile longe aliter computat. Non enim numerat gradum, in quo altera persona distat a stipe, ut facti jus can. sed numerat gradus omnes utriusque personae: & tot constituit gradus distantiae inter illas, quod habent distantiae a stipe, numeratis utriusque personae, quod habent distantiae a stipe. Duo fratres distant a communi parente in 1. gradu, numerat jus civile gradum 1. quo uterque distat a parente, tanquam duplicem, alterum in uno fratre, & alterum in altero: & ita iure civili distat inter se in 2. gradu. Similiter filii duorum fratrum distant in 4. gradu: quia quilibet distat a stipe in 2. gradu. Patruus, & consobrinus distant in 3. gradu. Quia ille distat a stipe in 1. hic autem in 2. ac tubinde triplex constituitur gradus. Quare breuiter per computatione graduum in linea transversa, attento jure civili, haec fit regula: si linea est equalis, quoquo gradu quis distat a communi stipe, tot duplicato distat inter se: si vero linea sit inaequalis, quot sunt personae, computatis extremis, & mediis, stipe dempto, tot tant gradus, ut duo fratres iure canonico distant inter se in linea equali in 1. gradu, iure civili distant in dupli gradu. Patruus, & filius ex fratre distant in 3. gradu: qui sunt duae personae extremae, & una media inter comunem stipitem, nempe avus, videlicet pater illius consobrinus. Ita colligitur ex authent. de hered. ad insti. venient. collat. 9. & habetur cap. Ad idem, 35. quest. 5. ubi ea

diversitatis huius ratio traditur, quod leges numerant gradus, ut hereditas ab una persona ad alteram deieratur: & ideo in singulis personis singulos perscrunt gradus. At jus canonicum computat gradus propter matrimonium: & quia haec non possunt nisi inter duas personas consistere, idcirco duas personas in uno gradu constituit.

Id demum obseruandum est computationem graduum juris canonici seruandam esse quoad matrimonium. Quia circa haec jus civile disponere nequit. At quoad successiones, seruandam esse juris civilis computationem: cuius est de his disponere. Sic Palud. 4. dub. 40. quest. un. a. 3. concl. 3. n. 20. D. Anton. 3. p. tit. 1. c. 14. §. 2. concl. 3. Alex. de Nemo cap. fin. num. 5. de consang. Lez. 3. tit. 6. par. 4. Arg. verb. Matrimonium 3. impedimentum 6. mit. Armilla verb. Matrimonium, ver. 22. Taberna verb. Impedimentum, impedim. 3. nu. 2. g. 1. fin. Corer. l. 2. de sponsal. c. 3. ad fi. Et multos alios referens Covar. 4. decret. 2. p. c. 6. §. 6. n. 8. Lud. Lopez. 2. par. infrat. ubi de matrim. cap. 49. ubi de impedimento consanguinitatis, notabili 4. Adhuc Covar. alios referens, & Lud. Lopez sic seruandam esse tam in foro saeculari, quam in Ecclesiastico. At in aliis contractibus, actibusque ceteris similibus, dicunt quamlibet computationem in proprio foro seruandam esse; nimirum, civilem in foro saeculari, canonicam autem in foro Ecclesiastico.

DISPUTATIO LI

Utrum in recta ascendenti, & descendenti linea sit iure naturali irritum matrim. in quocumque gradu in infinitum: an potius usque ad praescriptum gradum, & quomodo consanguinitatis.

SUMMARIUM

- Cui usui deserviat nosse qui gradus sint iure naturali prohibiti, num. 1. Quot quaestiones disputanda sint, 2. Non est idem matrimonium esse prohibitum in aliquo gradu attentio iure natura, & esse irritum, 3. Quo dicantur praepcepta naturalia, quae iuribus sint 4. Unde colligendum sit ita iure natura prohiberi matrim. ut sit irritum, 5. Proponuntur argumenta probantia non esse irritum iure natura matrim. inter parentes, & filios, 6. Est irritum iure natura inter parentes, & filios 7. Idem esset peruersante natura integra, Adamo non peccante, 8. Non est ita intrinsece malum, quin Deus dispensare possit, 9. Quid, si esset necessarium ad speciei conservationem, ut si soli pater, & filia, aut filius, & mater supersessent, 10. Soluuntur argumenta, 11. Post num. 11. inuenies alia summaria.

Disputatio de gradibus consanguinitatis, & affinitatis, iure naturae impedimentibus, ac dirimentibus matrimonium, non exigui momenti est: valde enim ad duo conferit. Alterum est, ut dignoscatur gradus, in quibus Pontifex dispensare potest. Nam recepta sententia est, ut lib. leg. latius videbimus, illi non esse permissa dispensationem in gradibus lege naturali divina interdictis: concessam autem, ubi sola lex canonica adhibet. Alterum vero, ut innotescat, quando infideles ad fidem rediit, a matrimonio tempore infidelitatis initio separandi sint. Si enim conjuncti sint in gradibus iure naturali irritati vetitis separandi sunt: secus si sola lege can. ut dicitur cap. Gaudemus, de divorciis. Quippe illi non subiant legi canonicae, bene autem naturali.

Potest igitur disputari quaestio haec in gradibus consanguinitatis & affinitatis: in utroque in linea recta, & in transversa. Et quidem in praesenti solum est sermo de gradibus consanguinitatis: nam de affinitatis gradibus agendum est in ipso affinitatis impedimento. Praelex ergo disp. instituitur de consanguinitatis gradibus in linea recta: subsiquens autem de linea transversa agat. In hac autem disputatione triplex quaest. agitanda est. Prima, an in primo gradu lineae rectae sit irritum iure naturae matrim. ut inter parentes: & filios? II. an prohibitio in ea linea protendatur in infinitum? III. est non protendatur in infinitum, usque ad quorum gradum?

Quaestio I. An in 1. gradu lineae rectae ascendenti, & descendenti, & nimirum inter parentes, & filios, sit ita iure naturae interdictum matrimonium, ut sit irritum. Tria praemittenda sunt, ut clarus procedamus. Primo praemittendum est, non eo ipso, quod matrimonium iure naturae interdicatur in aliquo gradu, consequi eodem iure ipsam irritum fore. Quod constat, quia matrimonium contra priorem sponsalium fidem, aut aduersus simplex calitatis votum initum, aduersus iuri naturali dictanti fidem Deo per votum, & homini per sponsalia datam praestandam esse, cum tamen constet in neutro evento matrim. fore irritum. Atque ita animaduertunt Victoria relatione de matr. 2. par. partis secundae, nu. 1. & 2. Fot. 4. d. 40. quest. un. art. 3. col. 5. vers. At vero fortasse, Ledesim. 2. p. 4. quest. 56. art. 4. col. 3. §. Et pro decisione. Veracrus. 2. par. speculi, art. 25. pag. penultima, §. Contra istorum. Valentia 4. parti. disp. 10. quest. 3. ubi de impedimento consanguinitatis, §. Secundo conuenit. Petrus de Ledesima de matrim. quest. 54. art. 3. diff. ult. notabili 3. Ludovicus Lopez 2. par. infrat. de matrim.

